

Qaasuitsup Kommunianni bundgarnersorneq pillugu ileqqoreqqusaq

Inatsisartut aalisarneq pillugu inatsisaat nr. 18, 31. oktober 1996, § 23 imm. 2, § 33 imm. 2 aamma § 34 imm. 3 naapertorlugu imatut aalajangersaasoqarpoq:

Ileqqoreqqusap atuuffia.

§ 1. Bundgarnersoneq pillugu ileqqoreqqusaq Qaasuitsup Kommunianni atuuppoq, tak. ilanngussaq 1, nunap ilaata assinga.

Bundgarnersornermi aalajangersakkat.

§ 2. Bundgarnilerfimmik atuisup aalisarfik nunami ersarissumik atiminik atserlugu nappaqqutitalimmik nalunaaqutsissavaa.

Imm. 2. Nappaqqut minnerpaamik nunamiit 1,5 meterinik portusseqassaaq.

§ 3. Bundgarnit ningisimasut minnerpaamik imminnut 500 m ungasissuseqassapput.

Imm. 2. Kangerlummi amitsumi arlalinnik bundgarnersortoqartillugu bundgarnit akileriissillugit ningisimaqqusaanngillat.

§ 4. Bundgarnit ningisimasut 100 meterinik qaninnerullugit ningittakkersorneq aalisaammillu aalisarneq inerteqqutaavoq, kiisalu 50 meterinik qaninnerullugit angallammik kisarsimanissaq inerteqqutaalluni.

§ 5. Aalisarneq taamaatinniariapat bundgarnersortup bundgarnini qaqissavai. Taamatullu saarullittassiissutit nungullugit aalisarneqarpat.

Imm. 2. Bundgarnit kingusinnerpaamik kangerluit sikunnginnerini qaqinneqareersimassapput.

Pineqaatissiinerit.

§ 6. Ileqqoreqqusami uani aalajangersakkanik unioqqutitsineri, Kalaallit Nunaanni pinerluttulerineq pillugu inatsit, Kalaallit Nunaanni akiliisitsisinnaaneq malillugu akiliisitsisoqarsinnaavoq arsaarinnittoqarsinnaallunilu, arsaarinnissutit nalingi Landskarsimut nakkartinneqassapput.

Imm. 2. Unioqqutitsineq inatsisitigut akisussaassusiligaasumit unioqqutitsineruppat unioqqutitsisoq, Kalaallit Nunaanni pinerluttulerinermik inatsit malillugu, akiligassinneqarsinnaavoq.

Atuutilernera

§ 7. Ileqqoreqqusaq una ulloq 4. marts 2015 atuutilerpoq.

Imm. 2. Peqatigitillugu Kangaatsiap kommuniani bundgarnersorneq pillugu malittarisassat 1. september 1982-meersut aalajangersarneqarsimasut atorunnaarsinneqarput.

Qaasuitsup kommuniani kommunalbestyrelsemit ulloq 8. august 2013 akuerineqarpoq.

Ole Dorph, Borgmester Qaasuitsup kommunia

Namminersorlutik Oqartussat ulloq, 12. februar 2015.

Karl Kristian Kruse

Aalisarnermi Piniarnermi Nunalerinermilu naalakkersuisoq

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut